

SAN MARTIN Y LUNGIARÜ

I se tignun lèdi por le Cèrtl dla Bibla che scomència en lönesc, ai 12 de forà, dales 20.00, y che vá inant vigni lönesc por dōta la Carsèma. *siur Ploan*

Le KVV dla Val Badia organisèia n iade de peregrinaje de 4 dis tla Slovenia (Bled - Lech Bohinj - Santuar de Brezje - Nova Gorica) dai 14 ai 17 de ma. Le iade costa 490 € (+ 78 € por ciadena da susc). Prenoté cina ai 20 de merz pro Hilda Sottara 0474 523 133 o 338 92 31 013 o Iaco Clement 0471 839 772 o 339 62 57 779. La prenotaziun vel do le paiamènt sön le cunt IT 11 J 08010 58180 000302017300 dla Cassa Raiffeisen. Por informaziuns y le program telefonede a Hilda Sottara o a Iaco Clement o menede na e-mail a : iaco_clement@libero.it

SAN MARTIN

Incö domènia, 4 de forà, vègnel dèr bel perié pro la mëssa pefestia y pro la gran mëssa do osta oferta por scialdé la dljia y la calonia. Chi che ess da s'al desmentié, pó ince de jö la oferta por banca.

En dedolönesc, ai 6 de forà, s'abina dales 20.15 te calonia le consèi de cōra a na sentada por traté danter l'ater i cunc dl 2017 y le bilanz dl 2018, le documènt dla Sinoda „Visionspapier Nächstenliebe“, n referat tl tēmp de Carsèma, le laur di trèi grups metüs sō por la vijita pastoralala.

La Uniun KVV invièia dūc en jōbia grassa, ai 8 de forà, dales 14.00 tl salf di stōdafūch ala cartada da Carlascé. I mius ciafará n pest y i manco bugn le “pozer”. Al gnará tenū sō “Faschingskrapfen” y val' da bēre. Prēibel gnide trōc!

Les surastantes nōies dl'Uniun dles Ères por i proscimi cater agn é Rosa Unterweger, Helene Craffonara, Margareth Rubatscher y Giovanna Ferdigg. I ti audun armonia inanter ères, ligrèza da lauré por nosta comunité y jēnt che les sostēgn. A Albina Ferdigg, Tecla Gasser, Ulrike Pedevilla y Rosmarie Crazzolarà i dijunse n gran dilan de dōt ci che ares á fat por nosta comunité. Idī ti al paies! Nosta comunité vir dl volontariat, porchēl sunse dēr ligres sc'al n'é che se dá ca.

LUNGIARÜ

Al vègn perié do le contribut por le mone che pó gní paié ite te colonia incö domènia, ai 4 de forà, y la domènia che vègn, 11 de forà, do la gran mëssa; prēibel y dilan.

I tignun incö domènia le De dla Vita y recordun i mituns nasciūs y batiá l'ultimo ann.

La Uniun Seniors da Lungiarü invièia dūc i seniors a n bel rait cun la liōsa en domènia grassa, ai 11 de forà. I s'abinun ite dala Ütia de Campcios y piun fora cun la liōsa dales 14.00. Gnide dūc!

En jōbia, ai 8 de forà, dales 15.30 ales 17.30 s'incunta indō le grup de tēmp lēde Atmosfera por ères y ēi atocá da problems psichics. En chēsc iade orunse ester creatifs y fajun val' tl vers ch'i se tolun dlaurela ince da s'la cunté n pū' adōm cun Irina Tavella y Barbara Rungger tl Raiun Sozial Val Badia a Picolin. Informaziuns pro Sabine Rainer 0474 524 519. Vignun/ōna é bēgnnūs/des y dēr bel inviá/des.

L'Uniun dl sport diletantistich da San Martin organisèia n curs de ginastica cun balet pur mitans y mituns dala 3^a ala 5^a elementara cun Jana Canins. Le curs mēt man en jōbia ai 8 de forà por 12 iadi. Le curs vègn tigní tres de jōbia dales 14.15 ales 15.00 tla palestra da San Martin. Le cost é de 20 € + cherta d'iscriziun ala Uniun dl Sport. Infos y prenotaziuns le prēm de te palestra o pro Maria al 339 62 11 647.



www.unitepastorala.org

Plata dles Ploanies San Martin y Lungiarü

siur Iaco Ploner 333 48 32 765 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

04.02.18 – 11.02.18 nr. 10

termo da publiché: jōbia 20.00
radio: 90,40 / 93,70

5^a DOMÈNIA IA POR L'ANN B

Vangele: Merch 1,29-39

Da sēra, do che sorēdl ê florì,
àn condūt dūc i amarà y i indemonià da Gejū.
Dōta la cité s'â abiné adōm dan porta de cīasa
y al nen varī trōc che â de vigni sort de maraties
y al parâ fora trōc demonns.
Y al ti proibī ai demonns de baié; cīodi ch'ai savô chē che ēl ê.
Da doman, cīamò a scūr, ēl lovè y é jū te n post sorēnt a perié.
Scimun y chi che l'â acompagné ti é debota jūs do,
y canch'ai l'â ciáfè, ti ài dīt: Dūc te chir!
Al ti à respognū: I jun altrō ti paīsc daimprō a pordiché ince dailò;
cīodiche por chēsc sunsi pō gnū.
Al rodâ por dōta la Galilea, pordicâ
tles sinagoghes y parâ fora i demonns.

*Demon? La parora vègn dal grech y ó dí:
trá indalater, despartí, sfēne.
Conscidran chēsta faziun, él aldedaincō
n grōm de demons che se dá da fá:
danter jēnt y natōra, ric y pūri, jogn y vedli,
religiuns y popui y ince danter la jēnt y Idī.
Co pó pa chisc demons avēi na te forza?
Ōna dles respostas podess ester chēsta:*

*Les gran divijiuns á sūa raisc tles pices divijiuns te vigni chestian.
Porsones che ne vá nia a ōna cun se instēsses
á la tendēnza da deslarié fora sū problems ince tl monn incēria.
I sinti ince iō ch'i sun vigni tant scarzé indalater;
y chēsc é n sentimēnt che me fej sté ert, nia ma me, mo ince mi ambiēnt.
Le vangele da incō me dá n consēi:
Jí ite tla surité, diventé chīt, ponsé do y perié.
Y insciō indō davagné unité y comuniun y se sté damí.*



	SAN MARTIN	LUNGIARÜ	De dla vita 
04.02.18 5^a DOMËNIA – Ann B De dla Vita	9.00 Corona 9.30 Gran Mëssa por la comunité dl ann + Giovanni Pescoller dl ann + Ida Clara Verginer	7.55 Corona 8.15 Gran Mëssa por la comunité	La buna noela dla vita – ligrèza por le monn! A trèi cosses sunse invia nos cristians: - da dí dlan dla vita - da desmostré nosta ligrèza por la vita y - da surantó nosta responsabilité por la vita. La vita é val' de gran che pëia ia da Chël Bel Dî y che se röia pro Chël Bel Dî. Sc'i n'un nia nos cristians la ligrèza da podëi vire, che dess pa zënza l'avëi? Dantadöt sc'i ponsun a nosta vocaziun y a ci che nes é impormetü. La rajun plü sota dla ligrèza stá tla scincunda che Chël Bel Dî nes á fat te so Fi Gejú: che é gnü un de nos, che á vit, patí y che é mort por nos. Chël Bel Dî, tolon pert a nosta vita y se dedican al amur deplëgn, ti dá n valur tan gran a nosta vita, ch'i ne sciafiun nia da le tigní alalt assá. Sc'i se lasciun condüje da Gejú Crist y da so vangele, tolunse pert ala vita de Dî, che nes invieia y nes dëida da aprijé y promöie ince la vita di atri. Te süa lëtra por le De dla Vita, nes mët le Vësko ince a cör da sostigní i jogh y les jones, che á la vocaziun da diventé peri y umes, da azeté chësta scincunda y da surantó ince le compit che alda lapró. I mituns adora le raport cun so pere y süa uma, ch'ai pois sintí ch'ai é orüs y nasciüs da n raport d'amur y pois crësce sô te na familia che i dëida te so svilup uman y spiritual. Cun la testimonianza cristiana por la vita y cun la ligrèza de podëi tó pert ala vita, orunse sté ite por döt ci che promöi y ti dá valur ala vita orüda da Chël Bel Dî. (Pinsiers dala lëtra dl Vësko por le De dla Vita)
05.02.18 Lönesc <i>Injeun y Albuin, Agata</i>			
06.02.18 Dedolönesc <i>Paul Miki y Compagns, Dorotea</i>	19.30 Mëssa + + Hannele y Nando Flöss + Frida Prada + Egon Valentin 20.15 Sentada dl Consëi de Cöra		
07.02.18 Dedemesaledema <i>Richard, Nivard, Eugen</i>		19.30 Mëssa por Lúca y Hannele Sorà y + Monica Sorà + + Sepl y Tarejia Dejaco dedô Sentada dl Consëi de Cöra	
08.02.18 Jöbia <i>Iarone Em., Iosefina Bakhita, Filip</i>	7.30 Mëssa + Giovanni Tavella, Prousc Tor a d'intenziun Corona por vocaziuns		
09.02.18 Vëndres <i>Apolonia, Alexia</i>	15.30 Mëssa a Bioch en onur de S. Maria da Lourdes por i benefaturs dla capela + Sepl Flöss, Diamant por les Animes	7.30 Mëssa vis y def. fam. Heinrich Freinademetz + Emma Irsara + + Agostin Daporta y Maria Mischi	
10.02.18 Sabeda <i>Scolastica, Silvan</i>	15.30 Mëssa tla Ciasa de Palsa 18.30 Mëssa prefestia dl ann + Artur Conrater dl ann + Clara Frenner Zingerle dl ann + Giovanni Flöss + Cristina Verginer Conrater	20.00 Mëssa prefestia de rengraz. fam. Giovanni Costa dl ann + Franz Pezzei, Ghestan + + dles families de Benedict Clara	
11.02.18 5^a DOMËNIA – Ann B S. Maria da Lourdes De Mondial di Amará	9.00 Corona 9.30 Gran Mëssa por la comunité + siur Angel Morlang 14.00 Bato de Lucia Castlunger	7.55 Corona 8.15 Gran Mëssa por la comunité	